

樊榭山房全集

冊二

張其成詩集

卷一

一

二

樊榭山房集卷第四

錢唐 厲 鶚 太鴻

詩丁

人日同陳授衣丁敬身石貞石登吳山用

石壁上東坡先生釋迦院看牡丹韻

以下已

紅妝小隊行春時江山著色供吾詩坡公健句入
苔石花殘石泐公應知登高今日情難已不約還
成七人矣嬉游大好同隊魚何必飛騰千萬里

西湖感舊和貞石

少年落魄惜春寒花外層樓燭影殘一片湖光渾
似舊雨聲不到曲闌干

原作

石 文

碧桃猶繞舊池臺吹徧東風尙未開游客重來

人不見簾前細草短於苔

和余葭白題唐子畏畫韓熙載夜宴圖

韓郎自是江北人避地去作江南臣更從江南到
江北便道江南有人憶歸來笑擁名花叢疏眉小
面居當中千枝銀燭照舞影滿堂賓客看驚鴻門
生解事執樂句燕支拍碎聲穿空酣嬉跌宕君莫
笑一半桃李無春風宮中唱念家山破燒槽哀怨
傳何窮聊將羣婢汗名檢此意未必聞重瞳六如
居士不並時何由戶外三更窺筆底故有嬙與施
我不見畫但見詩詩工直疑畫遜之眼飽鉛黛嘲
貧兒從來裴休說法爲人願不妨衲衣乞食隨歌
姬

揚州清明有感

游絲墮地花斑斑客如顛當長閉關芹芽入市刀
鯢上非我無酒開心顏翻書偶記柳州柳千言寄
友經憂患平聲捧奠予立拜埽阻舉首北望啼痕潛
迴腸振觸事雖異阿父淺土情尤艱敢求范氏上
吉冢事見真誥但得雍伯無終山不官免學右軍誓有
約直待龐公還西山地燥一抔足雲衣水樂相迴
環其旁種竹置丙舍賤天乞得清且閑年供麥飯
作寒食祀罷松鳥鳴喧喧嗚呼此願果何日新烟
旅食茱萸灣

夏五閑居八首

始春游廣陵仲夏返敝廬出如謀食鳥歸似止樂
魚江湖已相忘三歎無定居開窗延衆綠檢我牀
頭書

冥冥雨響池戎葵臥無次南史展一編蕭條有餘
思冶中好貴囚正以簪紱累鳴蛙亦復佳何必當
鼓吹

書生賦分薄一飽走佗郡淮南米貴賤曾致杜老
問汎舟及吾鄉是役恤民隱隣商或不前曷以周
遠近

錢唐古城東幽澹水木趣故人能勗予寫寄灌園

賦

至正間潘時雍隱居杭城東自號灌園生貝清
江瓊爲作灌園賦陳楞山在真州曾書一通見

貽蒔蔬利於鸞荷鉏跡尤慕西山隔城青白氣半

爲雨

借書出北郭籃輿白蓮風俯仰蓬藿下詩細復史
通鼓琴賞山雨不送雙飛鴻冲晦去我遠皓首見

此翁

吳文
志上

小山好兄弟，偁來問消息。正直卸擔初，相見吐胸臆。冷泉觀雨詩，崩崖與筆力。想見坐聞鐘，竹雲暗

燈色。

趙功千
意林

沈髯身鶴立，居心乃瀟靜。去作長沙游，幸不卑溼病。風健湖口帆，霞送滕閣興。料君垂橐歸，世故已

先定。

沈欒
城

今日理生衣，快風收鬱蒸。飛蟲強多喙，逐去棲荒塍。茗和月露煮，盤剝青腰菱。試效采菱歌，鄉味得未曾。

梁溪舟中苦熱寄汪青渠

頻年奔走厭川陸，六月浮舟信更難。蘋末不傳涼吹起，峯尖空逼火雲看。只愁嘲客徐常侍，詎肯因人梁伯鸞。記得松陰對揮麈，掬泉龍吻酌清寒。

答蔣丈靜山蠡墅見寄

相望經年闕報書江關復此感離居我貧爲客交
親絕君老辭家齒髮疎蹤跡前身三事衲英雄晚
計百金魚萍流匏繫俱難遣濁酒何時過敝廬

題馬佩今所藏馬麟摹黃筌春波鷗鷺圖

江南別岸風蘭密宛頸文禽水中出回眸不異錦
城春內家最賞臣麟筆沈浮一對常相見漢宮應
有顓房燕可憐未得辟寒金夜夜羈雌怨秋扇

楚中有刻近人詩者謬收鄙作其閒姓旁
誤增力字戲成俳體寄吳尺鳧

展卷風前睡眼醒何人未辨六書形蕭生有系知
非鄮溫尉如存笑帶令旅食欲添雙鬢白鄉書只
說兩峯青多年不得詩書力早晚烟波買釣舲

秋雨雜述四首

吳江澹秋水雲氣垂太湖我時趁風雨身作歸舟
圖風橫雨亦斜帆敲不可扶船舷帖波走獵獵吹
青蘆撫枕那得睡快意翻驚呼舟人小搖手笑客
一何愚明朝中元近武林酒堪沽

憶昔游永康亂山趨小邑竹輿兩日行行雨如
織千松萬松中聲與飛泉集紙傘但蓋頭肩胛已
盡溼野廟聊暫休青草無壁立荒涼此何神香火
久不及豈能司陰晴土偶亦垂泣秋氣衣裳單雨
勢暮尤急宿處隔山腰穿雲更深入

欺客雨灑燈驕風馬騰阜長安望迢遙舊縣苦流
潦同行功名人甘寢固自好而我悲秋徒百念集
如擣候窗聽雞鳴結束出門早陰雲暗車蓋深泥

沒車道大野回清商淒紅染林棗積水解照顏一
夜頓成老

農飢望時雨雨足願無違士飢在遠行遠行不救
飢今年淮南秋有夢先書歸覺來聽激霽枕簟涼
霏霏舊事忽上心充斥何由揮挑燈歌此曲愁絕
聽者稀

八月四日晚雨極涼

急雨淮上來沈沈暗樓堞須臾風引去秋星照涼
葉孤客坐悄然愁思紛重疊誰與話流光熟衣先
在篋

授衣續婚廣陵戲贈長句

陳郎三載蕪城住不復寒衾夢秋雨人生會合何
可量壻鄉山色空濛處美如孺子豈長貧才是丁

儀當與女卻扇甯無故劍思寫韻依然玉臺侶吾

鄉昔者吳安中

宋錢唐吳師禮廣陵王逢原之婿子傳朋俱工書

陳郎盛

禮將無同只愁埽眉筆矜慎求書不肯面發紅扁舟共載須怱怱吳山晴翠開簾櫳生兒未學游絲帖一笑堂前慰乃翁

九日雨中集葭白齋

年年秋禊在天涯伏雨闌風亦復佳夢語蟬連同短榻鄉心鶴望繞閑堦醉依菊撥敲斜坐靜檢書籤次第排不是故人齊臭味登高無地可開懷

吳中有書賈來廣陵出古錢三百餘見示刀布正僞諸品皆備汪君被江拓其文凡四以遺予一曰千秋萬歲面有龍鳳形一曰長生保命面有北斗及男女對立狀一

曰斬妖伏邪面有立神一蹲虎一符篆一

一曰龜鶴齊壽面無文蓋古厭勝錢也暇
日裝潢成冊爲詩題後并邀被江同作

翠墨手拓圓輪文空齋寶氣歆浮雲我有蕭愚子
和癖嗜好與世殊舊薰雪繭留跡聊飫眼造自何
代誰云云千秋萬歲僅著錄景嚴好事資前聞

萬歲錢見洪遵泉志

其三吉語擅蒼雅自藉神力通殷勤下

土蟣臣但稽首長生大帝保命君于鉞解崇光景

絕

宋周希稷詩誰家解崇吐于鉞

縞衣青純年平分反觀陽幕得

奇質

儲華谷云錢以有字處爲陰無字處爲陽

龍鳳騰霄虎輸乙斗匡

首戴聲迴環揄袂交羣永爲匹世閒兒女例心忪
雨冷重屏夢蕭瑟乞將後魏五男錢遠勝淮南萬
畢術撒之未足慰寒人佩此端能已愁疾壯夫也

復愛虛名叩齒清思坐幽室裝成一日百回看探
囊尙有雕蟲筆

汪爲山亦贈予厭勝錢拓本文曰金玉滿
堂篆書面有雙龍繞之上有柄作片雲形
大徑二寸續裝於冊更爲賦詩

金玉滿堂語見之老氏書所貴在能守盈縮相乘
除胃脯或連騎舐痔乃得車賁緣走權要極意爲
佃漁轉瞬領軍屋鎖澀集夔魑得失鄭人夢此足
發軒渠錢環篆四字字偃披薤如善祝兼寓規陳
義難齟齬片雲抱廓外山氣鬱不舒日冠月有珥
陰囂紛騰挈水衡駭未睹詩客何由儲紙勞脫輕
影一再結相於故人意不淺緬想剏物初不貪永
爲寶無悔亦無譽

蕪城小春

十月江天未隕霜
阿師橋畔善和坊
早梅門巷如人白
殘柳旗亭勝酒黃
公案此時參閉目
風光何地不迴腸
莫言新雁無才思
小草傷春句一行

十月十八日同余葭白陳授衣閔廉風游
禪智寺

適聞古寺名荒遠
默有會牽率聯臂游
新勇劇動旛平疇
棲餘糧疎籬擇寒菜
年登緩鄉思樂事且
人外坡陀掉尾岡
氣壓全楚大因知
岷峨靈小住踞其
最枳關羅高松落落
十數輩塵耳迷聽瑩
爲我發空籟遠烟老
灤城低帆召伯埭
指點虛無中晴出
山影碎隋宮宿佛
軀清淨掩侈汰
土木非昔時晝
燈黃葉內亦列
千便娟風竹見
舞態井谷窺

深泉匳鏡寒不晦了知起滅想無用勞感槩何來
寶誌公跣足入殘繪吳裝僅形模石剝損風帶壁
陷眉山書傳刻但茫昧新苗老葉句未受詩案劾
寺有石刻吳道子誌公像東坡和蘇
伯固游蜀岡送李孝博使嶺表詩跡疑歲月駛
劫換名字在鬪螳俛人羣放眼寄大塊胡爲雲萍
身物役自拘閼暫託賢友生林垌得佳賚彼哉稗
沙門慢幢乏應對此邦重賈雄餘習被香界一笑
下頽陽叢雁破霜靄

冬日移寓葭白齋中二首

城邊烏尾排檣竿楚天盡處吳天寬南商北使津
鼓競歲晚誰道川塗寒客牀高坐自偃蹇束書不
觀目空睥睨筵尚阻西上魚體中何如強眠飯
閉門清寂如野亭四壁鉛槧棲餘馨諸餘益益殊

碌碌古壘洗蝕銅花青銷寒絕唱誰能和斗柄闌
干雁聲墮對牀無雨也可憐君能館我支頤臥白葭

近作銷寒雜
咏數十首

畫松歌送沈丈樗崖歸宣城

明徵君眉生
先生之孫

耕巖先生冠社籍儒衣歛受思陵辟飛章首論武
陵楊閉口曹蜍動顏色昭亭仙去無消息今代名
孫古遺直輪囷壯氣無所施老腕生松萬鈞力蒼
龍鬱律蟠胸臆昨夜山南夢吞得天寒張鬣不作
雨驅向剡藤但僵立仰聽傾崖清響入俯窺凍壑
圓陰逼坐我石梁布水側豈識松身元是墨北風
客舍逢君揖白髮滿頭面鰲黑欲持勁質贈時人
金錯刀囊慳反澀槎枒忽壓俗眼驚醜怪能怖嬌
嬰泣愛君幅幅有題句何異前朝述祖德襍衾篋

畫乘歸航與松偃臥江路長到日柴門宛溪上舊
種手掇絲苓香君其行矣慎雪霜

雨中過錫山

寒塘淼淼風聒聒凍耳唯聞擣牀撥九龍頭角半
入雲只有東峯塔穎脫隔岸人家倚衰柳帶溼炊
烟青一抹帆遲目短望漸遙頗羨安居對疎豁秦
餘杭山次第迎爲乞紅萍照裘褐

歸來

歸來抖擻布衣塵竹几藜牀意最真坐愛陽光通
一室臥聞冰霽落比隣淮南書內題春女揚子經
中說夜人我有心情狎寒晝九達不著自由身

正月八日城南紀游二首

以下
兩首

梵天寺